

HUTBA - PUT URAVNOTEŽENI

Hvala Gospodaru Milosniku Svemilosnom, salavat i selam Njegovom poslaniku Muhamedu, s.a.v.s.

Draga braćo!

Današnju hutbu naslovili smo kao "Put uravnoteženi".

O ovoj temi govorimo jer smo vrlo često u prilici svjedočiti kako ljudi u potrazi za srećom i blagostanjem lutaju iz krajnosti u krajnost i, nažalost, u tom lutanju često ostanu i bez sreće i blagostanja.

Poslušajmo kako nas Kur'an savjetuje:

"... kao i to da je ovo Moj put, koji je pravi, pa ga se držite i nemojte slijediti druge puteve pa da vas skrenu s puta Njegova. Eto, to vam On zapovijeda, da biste se pričivali."

(El-En'am, 153)

"Ljudima se prikazuje lijepom sklonost strastima - prema ženama, djeci, gomilama zlata i srebra, rasnim konjima, stoci i usjevima. To je ugođaj života na ovome svijetu, ali kod Boga je najljepše mjesto za povratak."

(Alu Imran, 14)

"Bog spušta s nebe vodu i njome oživljava zemlju nakon njezina mrtvila. U tome je, svakako, znak za ljude koji čuju.

I u stoci, isto tako, imate pouku! Pojimo vas tečnošću iz njihovih utroba, koja nije ni sirova sadržina buraga, ali ni krv – mlijekom čistim i pitkim onima koji ga piju."

(El-Nahl, 65-66)

A Muhamed, a.s., je rekao:

"Ko osvane i jedina mu briga bude dunjaluk, neće od Gospodara zauzvrat ništa dobiti, a uz to, On će mu za srce četiri osobine privezati:

- **brigu koje se nikad neće riješiti,**
- **bit će uvijek zauzet, tako da neće imati slobodnog vremena,**
- **bit će siromašan, te se nikada neće obogatiti i**
- **imat će beskrajnu nadu, a nikad neće stići do cilja."**

Draga braćo!

Razmislimo o ovim riječima Poslanika, a.s!

Ima li u našim životima nešto što upućuje na neke od ovih nedostataka?

Navedimo u ovom kontekstu i riječi Uzvišenog Gospodara:

”I time što ti je Bog dao bori se za onaj svijet, ali ne zaboravi ni svoje sljedovanje na ovom svijetu, i čini dobročinstvo onako kako ga je Bog tebi učinio, i nemoj činiti nered po zemlji, zaista, Bog ne voli one koji nered čine.”

(El-Qasas, 77)

I na kraju, kao još jedan savjet kako da postignemo uravnoteženost i potrebni balans u potrazi za ispravnim putem, podsjećamo na riječi Allaha, dž.š:

”I naredi svojim ukućanima da namaz klanjaju, i ustraj na njemu! Nećemo te pitati za opskrbu – Mi ćemo te opskrbljivati, a odanost Bogu određuje konačnicu.”

(Ta-ha, 132)

Ovu hutbu završavamo dovom Gospodaru da nam osnaži vjeru i pouzdanje u Njeg, jer su Njegova uputa i zaštita najsigurniji.

Amin!

Idriz-ef. Karaman
Malmö, 12.10.2018.